

" PERSAUDARAAN SESAMA ISLAM "

إِنَّ الْحَمْدَ لِلهِ، نَحْمَدُهُ وَنَسْتَعِيْنُهُ، وَنَعُوْذُ بِاللهِ مِنْ شُرُورٍ أَنفُسِنَا وَمِنْ سَيِّعَاتِ أَعْمَالِنَا مَن يَهْدِ اللهُ فَلاَ مُضِلَّ لَهُ وَمَن يُضْلِلْ فَلاَ هَادِيَ لَهُ.

أَشْهَدُ أَنَ آلَآ إِلَى إِلَّا اللَّهُ وَحْدَهُ, لاَ شَرِيكَ لَهُ وَأَشْهَدُ أَنَّ مُحَمَّدًا عَبْدُهُ, وَرَسُوْلُهُ. اَللَّهُمَّ صَلِّ وَسَلِّمْ عَلَىٰ سَيِّدِنَا مُحَمَّدٍ وَعَلَىٰ آلِهِ عَلَىٰ سَيِّدِنَا مُحَمَّدٍ وَعَلَىٰ آلِهِ وَاللَّمْ عَلَىٰ سَيِّدِنَا مُحَمَّدٍ وَعَلَىٰ آلِهِ وَاللَّهُ عَلَىٰ اللَّهِ عَلَىٰ اللَّهِ وَاللَّهُ اللَّهُ اللَّ



Sidang Jumaat Yang Dirahmati Allah,

Mari bersama-sama kita tingkatkan ketaqwaan kepada Allah SWT dengan sebenar-benar taqwa dan mengamalkan apa yang diperintahkan oleh Allah dan Rasul-Nya serta menjauhi segala yang dilarang-Nya. Selawat dan salam kepada junjungan besar baginda Nabi Muhammad s.a.w.

Pada hari yang mulia ini marilah sama-sama kita menghayati khutbah yang bertajuk : "PERSAUDARAAN SESAMA ISLAM".

Sidang Jumaat Yang Dirahmati Allah,

Ikatan persaudaraan merupakan satu prinsip dalam Islam yang ditanam secara mendalam dalam hati kaum muslimin. Keteguhan ikatan persaudaraan sesama Islam amat dititikberatkan dalam usaha untuk mewujudkan ukhuwah islam yang kukuh. Malah, persaudaraan sesama islam yang dipertautkan dan dijalinkan atas dasar akidah adalah lebih kuat memandangkan umat Islam berpegang kepada tunjang dan dasar yang sama iaitu menjadikan ad-din sebagai asas kepada tali persaudaraan. Betapa pentingnya kita menjaga persaudaraan sesama islam kerana ia merupakan ingatan dan pesanan sebagaimana yang disampaikan oleh Baginda Rasulullah s.a.w:

"Dan jadilah kamu hamba-hamba Allah yang bersaudara".

(Riwayat al-Bukhari dan Abu Daud)



Sidang Jumaat Yang Dirahmati Allah,

Islam mengajar umatnya agar bersatu dan menegaskan kepada semua umatnya supaya hidup bersaudara sebagaimana firman Allah SWT dalam surah al-Hujurat ayat 10:

"Sesungguhnya orang-orang beriman itu adalah bersaudara. Sebab itu damaikanlah (perbaikilah hubungan) antara kedua saudaramu itu dan takutlah terhadap Allah, supaya kamu mendapat rahmat".

Sidang Jumaat Yang Dirahmati Allah,

Islam menyuruh umatnya agar peka dengan perkembangan dan hal ehwal saudara-saudaranya sesama Islam. Menyuruh umatnya membantu saudaranya yang kurang berkemampuan dan tertindas. Ikatan persaudaraan seagama atau seakidah adalah sangat mulia dan memberi kesan besar dalam pembentukan kesatuan umat. Tanpanya masyarakat akan berpecah-belah, menjadi lemah, malah tidak mustahil suatu ketika diperkotak-katikkan. Oleh kerana itu, apabila bersaudara, kita perlulah mengamalkan sikap yang selari dengan pemupukan persaudaraan seperti tolong-menolong dan bekerjasama khususnya dalam urusan kebajikan dan mendapat manfaat.



Firman Allah SWT dalam surah at-Taubah ayat 71:

"Dan orang yang beriman, lelaki dan perempuan, setengahnya menjadi penolong bagi setengahnya yang lain; mereka menyuruh berbuat baik dan melarang daripada berbuat kejahatan".

Jika wujud dikalangan muslim perbezaan pendapat dan ideologi dalam memahami sesuatu cabang ilmu atau didalam politik itu bermakna kita kepartian atau sebagainya, tidak harus memutuskan ikatan persaudaraan yang dituntut untuk dipereratkan didalam islam. Sejauh mana sekalipun kita berbeza pendapat disebabkan perbezaan kefahaman masing-masing terhadap nass syarak, namun Islam tidak membenarkan sama sekali perpecahan berlaku. Jika perbezaan tersebut berlaku berasaskan perbezaan ijtihad para ulama'. Demikian juga perbezaan pendapat ini menjadi satu aspek yang tidak mungkin dapat dipisahkan dari sifat tabi'e manusia. Bahkan sebenarnya perbezaan pendapat itu menjadikan Islam itu agama yang lebih dinamis dan fleksibel. Dalam hal ini Rasulullah s.a.w ada bersabda:

لاَ تَقَاطَعُوا وَلاَ تَدَابَرُوا وَلاَ تَبَاغَضُوا وَلاَ تَبَاغَضُوا وَلاَ تَحَاسَدُوا وَكُونُوا عِبَادَ اللّهِ إِخْوَانًا.



"Jangan kamu memutuskan hubungan, tidak bertegur sapa, membenci dan berhasad dengki, sebaliknya jadilah hamba Allah yang bersaudara". (Riwayat al-Bukhari)

Hadis ini memberi peringatan kepada kita supaya memelihara hubungan persaudaraan antara satu sama lain. Sikap benci membenci, dengki, khianat dan seumpamanya boleh mengakibatkan permusuhan dikalangan umat islam dan boleh membawa kepada perpecahan ummah.

Sidang Jumaat Yang Dirahmati Allah,

Dalam memelihara ikatan persaudaraan ini, Islam memberikan beberapa garis panduan antaranya:

 Setiap Muslim mestilah bertindak membantu saudaranya seperti satu jasad, ini dapat diperhatikan dari sabda Rasulullah s.a.w:

"Perumpamaan orang-orang mukmin dalam hal rasa cinta dan sayang serta saling mengasihi seperti satu jasad, apabila



anggota badan yang satu sakit, maka yang lain ikut merasakan sakit dengan demam dan tidak boleh tidur". (Riwayat Muslim)

Keteguhan ikatan persaudaraan sesama Islam amat dititikberatkan dalam mewujudkan sifat kasih mengasihi sesama insan kerana ia dapat membina kesatuan umat Islam yang kukuh. Malah, persaudaraan yang dijalinkan atas dasar kasih sayang ini akan mendapat rahmah dan kurniaan yang besar dari Allah.

2. Seorang muslim perlu mengelakkan daripada perasaan tiada bersefahaman sesama sendiri, malah tidak membuat tuduhan liar antara satu sama lain. Sekiranya timbul perkara yang tidak memuaskan hati. perlu diadakan perbincangan semangat musyawarah, bersepakat dan bekerjasama dalam perkara dasar. Tetapi dalam sesetengah hal yang tidak mendapat persetujuan khususnya membabitkan isu ranting atau furu' maka perlulah bertolak ansur, berlapang dada serta saling bermaaf-maafan. Setiap muslim juga perlu mengikis sifat-sifat tercela yang wujud didalam mereka seperti sifat dengki sesama sendiri. Kerana sifat hasad menyebabkan terputusnya hubungan persaudaraan sesama Islam, begitu juga sifat suka membuat fitnah, mengumpat, buruk sangka serta mencari-cari salah dan aib sesama Muslim.

Firman Allah SWT dalam surah al-Hujurat ayat 12:



يَنَأَيُّا ٱلَّذِينَ ءَامَنُواْ ٱجۡتَنِبُواْ كَثِيرًا مِّنَ ٱلظَّنِّ إِنَّمُ وَلَا تَجَسَّسُواْ وَلَا يَعْضَ ٱلظَّنِّ إِنَّمُ وَلَا تَجَسَّسُواْ وَلَا يَغْتَب بَعْضُكُم بَعْضًا ۚ أَنْحِبُ أَحَدُ كُمْ أَن يَغْتَب بَعْضُكُم بَعْضًا ۚ أَنْحِبُ أَحَدُ كُمْ أَن يَغْتُ وَٱتَّقُواْ يَا لَحْمَ أَخِيهِ مَيْتًا فَكَرِهْ تُمُوهُ وَٱتَّقُواْ يَا لَكُمَ أَلِكَ تَوَّابُ رَّحِيمُ عَلَى اللّهَ اللّهَ تَوَّابُ رَّحِيمُ عَلَى اللّهَ اللّهَ تَوَّابُ رَّحِيمُ اللّهَ إِنَّ ٱللّهَ تَوَّابُ رَّحِيمُ اللّهَ إِنَّ ٱللّهَ تَوَّابُ رَّحِيمُ اللّهَ إِنَّ ٱللّهَ تَوَّابُ رَّحِيمُ اللّهَ اللّهُ اللّهَ اللّهَ اللّهُ اللّهَ اللّهَ اللّهُ اللّهُ اللّهَ اللّهُ اللّهُ اللّهَ اللّهَ اللّهُ الل

"Wahai orang-orang yang beriman! Jauhilah kebanyakan daripada sangkaan kerana sesungguhnya sebahagian daripada sangkaan itu adalah dosa dan janganlah kamu mencari kesalahan orang; dan janganlah setengah kamu mengumpat setengahnya yang lain. Adakah kamu suka makan daging saudaranya yang telah mati? Maka sudah tentu kamu jijik kepadanya. Dan bertakwalah kamu kepada Allah sesungguhnya Allah Maha Menerima Taubat lagi Maha Mengasihani".

Justeru itu, setiap muslim diingatkan supaya tidak mudah percaya kepada sesuatu berita yang disampaikan kepadanya, terutama daripada sumber yang meragukan atau sukar dipercayai. Sikap suka mendengar dan mempercayai cakap orang juga tidak digalakkan kerana boleh jadi khabar yang disampaikan itu palsu dan sengaja direka bagi tujuan menjatuhkankan maruah atau memecah





belahkan kesatuan ummah. Penegasan ini telah dirakamkan oleh Allah dalam surah al-Hujurat ayat 6:

"Wahai orang-orang yang beriman! Jika datang kepada kamu seorang yang fasik membawa sesuatu berita, maka selidikilah kebenarannya, supaya kamu tidak menimpakan suatu musibah kepada kaum dengan sebab kejahilan kamu sehingga menjadikan kamu menyesali apa yang kamu lakukan".

Sidang Jumaat Yang Dirahmati Allah,

Islam sangat mengalakan hubungan baik antara satu sama lain, ini dapat diperhatikan dalam hubungan sesama islam, Islam datang dengan rahmat untuk menyatukan hati-hati, merapatkan barisan dan mengarahkan kepada satu kesatuan ukhuwah. Di samping itu menjauhi sebab-sebab yang boleh membawa kepada perpecahan yang mengakibatjan menjadikannya lemah. Tujuan kesatuan ini agar dapat mewujudkan nilai-nilai yang luhur dan mulia, agar manusia dapat beribadah kepada Allah SWT.

Ikatan yang diguna pakai oleh Islam untuk menyatukan umatnya merupakan ikatan yang kukuh, tidak sama dengan ikatan yang lain, tidak seperti ikatan tali yang mengikat sesuatu simpulan akan rosak apabila tali itu musnah. Berbeza dengan iktan ukhuwah



didalam Islam, ia adalah ikatan yang paling kuat, lebih kuat daripada ikatan darah, ikatan warna kulit, ikatan bahasa, ikatan tanah air. Ia adalah ikatan iman, dimana para muslimin berada dibawahnya. Dengan ikatan iman seorang mukmin dapat mempereratkan persaudaraannya, sebagaimana sabda Rasulullah s.a.w:

"Tidak sempurna iman sesorang itu, sehinggalah ia mengasihi saudaranya sebagaimana ia mengasihani dirinya sendiri".

Inilah dasar persaudaraan Islam yang diasaskan diatas tuntutan agama dan dipelihara dengan ruh keimanan dengan perasaan mahabbah yang sejati menjadi terasnya. Maka dengan semangat ini, terbinannya sifat saling hormat-menghormati, bantumembantu, berusaha untuk mewujudkan kebaikan, menghindarkan kejahatan dan ianya menjadi amalan hidup muslim dalam masyarakatnya. Inilah di antara petunjuk hadis yang patut diambil perhatian oleh setiap orang Islam untuk memelihara keteguhan dan keutuhan perpaduan dalam hubungan persaudaraan kerana dengan memeliharanya wujudlah perasaan muhibbah diselubungi oleh suasana aman damai.

Sidang Jumaat Yang Dirahmati Allah,

Kesimpulan dan pengajaran yang dapat diambil daripada khutbah ini adalah:



- Kita sebagai umat Islam adalah bersaudara, maka kewajipan kita adalah untuk memperkukuhkan tali persaudaraan kita sepanjang masa.
- Untuk mengekalkan persaudaraan sesama Islam kita hendaklah sentiasa menjaga diri kita dan memeliharanya supaya tidak melakukan sesuatu yang boleh merosakan hubungan persaudaraan kita, seperti menjaga lidah kita agar tidak menyebut perkara-perkara yang dilarang oleh Allah SWT.
- Senantiasa berpegang teguh kepada Ajaran al-Quran dan al-Sunnah agar kita tidak terkeluar dari landasan yang telah digariskan oleh al-Quran dan al-Sunnah.

أَعُوذُ بِٱللَّهِ مِنَ ٱلشَّيْطَنِ ٱلرَّجِيمِ إِنَّمَا ٱلْمُؤْمِنُونَ إِخْوَةٌ فَأَصْلِحُواْ بَيْنَ أَخَوَيْكُرْ وَٱتَّقُواْ ٱللَّهَ لَعَلَّكُرْ تُرْحَمُونَ ﴿

"Orang-orang beriman itu sesungguhnya bersaudara. Sebab itu damaikanlah (perbaikilah hubungan) antara kedua saudaramu itu dan takutlah terhadap Allah, supaya kamu mendapat rahmat".

(Al-Hujurat: 10)



بَارَكَ الله لِيْ وَلَكُمْ بِالْقُرْآنِ الْعَظِيْمِ, وَنَفَعَنِيْ وَإِيَّاكُمْ بِمَا فِيْهِ مِنَ ٱلآيَاتِ وَالدِّكْرِ الْخَكِيْمِ وَآيَّاكُمْ بِمَا فِيْهِ مِنَ ٱلآيَاتِ وَالدِّكْرِ الْحَكِيْمِ وَتَقَبَّلَ مِنِّيْ وَمِنْكُمْ تِلاَوَتَهُ, إِنَّهُ وَمِنْكُمْ تِلاَوَتَهُ, إِنَّهُ وَمُنْكُمْ تِلاَوَتَهُ, إِنَّهُ هُوَ السَّمِيْعُ الْعَلِيْمُ.

أَقُولُ قُولِيْ هَاذَا وَأَسْتَغْفِرُ اللهَ الْعَظِيْمَ لِي قَولِيْ هَاذَا وَأَسْتَغْفِرُ اللهَ الْعَظِيْمَ لِي وَلَكُمْ وَلِسَآئِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوهُ إِنَّهُ مَهُوَ الْغَفُورُ الرَّحِيْمُ.



KHUTBAH KEDUA

قَال



مُسْلِمِيْنَ وَالْمُسْلِمَاتِ وَالْمُؤْمِنيْرَ، الأَحْيَاء مِنْهُمْ وَالأَمْوَات ، إِنَّكَ اَللَّهُمَّ إِنَّا نَسْأُلُكَ وَنَتُوسَّلُ إِلَّاكَ إِلَيْكَ و نَسْأُلُكَ بِأُسْمَآئِكَ الْحُسْنَى الْعُظْمَى أَنْ تَحْفَظَ بِعَيْن وَبحِفْظِ وقَايَتِكَ الصَّمَدَانيَّةِ، الْمُعَظِّم سُلْطَان سلاڠور، شاه الحاج ابن ادریس الدِين عبد أدم العَوْن وَالهدَايَةُ وَالتَّوْفِيْقَ، لوكي تعْكو أُمِير شاه إبْن السُّلْطَان



شَرَفُ الدِّين ادريس شاه الحاج فِي أُمْنِ وَصَلاَحٍ وَعَافِيةٍ بِمَنْكَ وَكَرَمِكَ يَا ذَاالْجَلالِ وَصَلاَحٍ وَعَافِيةٍ بِمَنْكَ وَكَرَمِكَ يَا ذَاالْجَلالِ وَالإِكْرَامِ. اللَّهُمَّ أُطِلْ عُمْرَهُمَا مُصْلِحَيْنِ لِللَّهِ مَا اللَّهُمَّ أُطِلْ عُمْرَهُمَا مُصْلِحَيْنِ لِللَّهِ مَا اللَّهُ مَا اللَّهُ اللَّهُ اللَّهُ وَالرَّعْدَةِ وَالْبِلادِ، وَبِلِغْ مَقَاصِدَهُمَا لِطَرِيقِ الْهُدَى وَالرَّعْدَةِ وَالْبِلادِ، وَبِلِغْ مَقَاصِدَهُمَا لِطَرِيقِ الْهُدَى وَالرَّعْدَةِ.

Ya Allah, Engkaulah Tuhan yang Maha berkuasa, kami bersyukur kehadrat-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebajikan.

Justeru kami pohon kehadrat-Mu ya Allah, tetapkanlah iman kami, terimalah amalan kami, kukuhkanlah perpaduan kami, murahkanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, bukakanlah hati kami untuk mendirikan solat fardhu lima waktu dan ibadah zakat sebagaimana yang telah Engkau wajibkan. Berkatilah hidup orang-orang yang melaksanakan tuntutan



berzakat, menyayangi fakir dan miskin. Sucikanlah harta dan jiwa mereka, lindungilah golongan fuqara' dan masakin daripada kekufuran dan kefakiran yang berpanjangan.

Demikian jua Ya Allah, tambah dan luaskanlah rezeki orang yang mewakafkan hartanya, terimalah wakaf mereka dengan ganjaran pahala yang berkekalan hingga ke hari akhirat.



فَاذْكُرُواْ الله الْعَظِيمَ يَذْكُرْكُمْ وَاشْكُرُوهُ عَلَىٰ نَعَمِهِ عَلَىٰ الله الْعَظِيمَ وَاسْأَلُوهُ مِنْ فَضْلِهِ عَلَىٰ نَعْطِكُمْ وَلَذِكُرُ الله أَكْبَرُ وَاللّهُ يَعْلَمُ مَا تَصْنَعُونَ.